

萬載縣志卷二十三

仙釋

晉謝仲初邑人志慕道術修煉閭阜山丹成復歸故隱過縣西見其無水拔劍刺地泉涌出甚甘即卓劍泉也濟江無舟御竹葉以渡即今竹渡嘗遊紫蓋山紫雲蓋之後登謝山冉冉飛去人名真仙嶺又日上昇嶺有仙壇麻鞋石試劍石丹竈煉丹井諸遺蹟井水自木根中迸出水旱禱輒應

參寺觀註嘉定志

按嘉定志以仲初冠仙釋未詳朝代安志謝仲初萬載人

住高安北山中

即今謝山

次黃仁覽下教真人上二人皆東晉

時得道者今謝山石刻尚存丁丑開山字正元帝渡江改

萬載縣志

卷二十三

仙釋

元建武歲也其為晉人無疑李志列入北宋陳志以為元人則未知元和志已列仲初名唐誌南宮又以謝真人還舊山命題斷不得在唐以後矣

湯周二仙失其名俱廣南人晉安帝時湯為靖州壽光令周為洪州南昌令湯以晉政不綱慨然掛冠訪周相約修道卜地康樂峯頂山中道成因名湯周山今棋盤石試劍石遺迹尚存有鐫刻相傳為紫微觀碑

參輿地紀勝

按靖州唐武德時置即今瑞州無壽光縣晉亦無所謂靖州蓋青字之訛也壽光自漢隸北海郡屬青州

唐道一漢州什邡人姓馬氏故稱馬祖嘗修道於峯頂山山巔

有鍊魔場建上中下三塔今惟中塔存焉有泉清冽禱雨輒應舊寺觀衆府志

懷海名大智福建長樂王氏子依馬祖與西堂智藏南泉普願同號入室弟子時三大士化門相角立焉創立叢林儀軌名曰清規元和九年示寂嘗修道壽峯山采舊寺觀注參通志補

按謝志大智列南昌仙釋內縣舊志三學院唐貞觀十年僧大智開山又云在縣西七十里壽峯山則與馬祖之峯頂山同在西鄉所謂依馬祖者是已第貞觀至元和年代太遠疑縣志為貞元之訛

黃皮二仙女未詳何許人相傳在黃皮山名勝志作黃波嶺修真道成

萬載縣志

卷二十三 仙釋

二

白日冲舉鄉人有禱輒應參嘉定志

按南嶽志有西漢青城山道士大微先生王谷神大素先生皮元曜同渡荆渚泛瀟湘至南嶽修真雖未言至萬邑

然王與黃土音絕相類附參又按水經注黃皮小木也南楚多以名山一作黃巖

希運閩人幼出家黃檗山往南昌見馬太師至則馬已示寂乃

走石門謁塔參百丈師後觀察裴休迎住龍興寺曾創光化

院於嚴田在今縣北一百里繼建院於清泉山曰延壽在今縣東北五十里又

建崇信寺在今縣治南百五十步諡斷際禪師舊寺觀注參豫章書補

按舊志斷際於咸亨元年創光化院二年創延壽院三年創崇信寺而豫章書通志俱云大中間示寂考咸亨乃高

宗年號距宣宗大中已百七十餘年合生歿推之斷際不減二百歲未必然也通志普賢寺住云會昌間觀察使裴休迎黃蘗山希運禪師居此普賢卽龍興也師雖迎居洪州休旋罷或來萬載行化疑三庵之建當在會昌大中時懷祐泉州仙遊人受業九座山陳禪師尋參石霜初居謝山復遷棲賢終於廬山諡元悟大師采通志補

令超初住高安上藍山鍾傳帥洪州使迎焉因開元寺舊基剏院以居仍名上藍昭宗大順庚戌正月初召大眾告曰吾本約住十年今化事旣畢當欲行矣齋畢端坐長往塔曰本空

諡真元

安志真元作元貞

大師

采通志寺觀補

萬載縣志

卷二十三

仙釋

三

按舊志明寂院在邑北二十里地名上藍宋大中祥符五年僧澄寂開山通志佑清寺始爲開元寺大中間燬後南平王鍾傳復建上藍院以居上藍山僧令超考宋以前萬載本屬高安所云高安上藍卽邑北上藍近南平故里者令超在唐旣居是山矣安得至宋有開山事澄寂殆承令超後重興道場者歟

楊吳曾文迪雱都崇賢里人時楊筠松善青鳥術世稱救貧仙人迪與劉江東師事之凡天文讖緯黃庭內景之書靡不根究而尤精地理天祐間至萬載愛西山之勝謂其徒曰死葬我於此卒如其言後具徒忽見於豫章駭而歸啟其棺無有

也著有八分歌二卷

采豫章書補

按曾氏言行約編作文迪字求己宗聖四十世孫其先都鄉侯據避新莽亂遷豫章後有分徙雩都者故文迪爲雩都人其源委頗詳而迪與迪究未敢決爲孰是又邑老相傳有袁姓者欲侵葬迪墓啟土得石刻云五百年後有土衣人來侵我墳云云謀遂寢亦與前文小異姑並識之

宋法順禪師綿州文氏子太宗時擇地至袁卓錫白楊山卽今

淨覺院

舊寺觀注

段瓌字德瑱嚴田人少遊鄉校性醇厚與物無忤遇不平事則奮臂而前建炎間寇盜充斥段族數十口被虜瓌齎金帛挺

萬載縣志

卷二十三

仙釋

四

身往贖賊義之俾偕歸紹興二十九年歲旱斗米千錢瓌發廩止取常值又日爲粥以食饑者全活甚衆後結庵謝山壁間多寫坦蕩字忽聚親舊敘別曰天旁卽召我矣一日鐘鳴歛然凌空去鄉人走視惟敝衣履存焉

嘉定志

德宏禪師姓程氏浮梁人初住木平常途者聞其道行請住萬

載厯居分宜福聖崇勝二院及洪州西山宜春仰山均有禪

譽遷寂於紹興二十九年著有語錄一集

采嘉定志補

僧守真住廣慧寺有道譽師仰山從悅禪師悅徒數十人守真

亦其傑出云

采嘉定志補

元黃樸庵至正初遊水坑磔愛其山林清勝遂募化結庵

卽今長興

院後跌坐而逝 安志

僧自然相傳於石庵得道白日冲舉禪林至今猶存

劉原祖名漢芳西隅一圓人至正六年建陰陽齋會七朝忽有異僧持鉢古貌跣足破衲癩身氣穢難近衆皆詬罵原祖獨食以飯問亦無言惟以背抵壁若指瘡狀歛然去忽馨香滿室原祖急尾之不見視牆壁有詩云不是山僧特地來因遊南嶽反天台青衣童子多饒舌黃面瞿曇笑臉回鐵鉢滿盛貧子飯布衣難覓富家財殷勤傳與劉原祖伏虎岩前花正開旬餘原祖無病而逝殆尸解云 節舊志

黃竹關道人黃伯詳也修真建城坊道觀有八人者假盃以餐

萬載縣志

卷二十三

仙釋

五

既莫知所之他日八人與邑商邂逅襄陽以前盃付之曰歸語竹關當卽尋我於蓬島因忽不見客歸語黃未幾黃亦飛昇遂名其觀爲九仙 參寺觀注

國朝黔羸禪師洪州陳氏子脫白後聞九峯語豁然大悟順治十五年住北關普濟庵康熙三年遊醴陵住三峯著有三峯語錄次年居白楊山六年至城南三元殿說法書偈而逝 采舊寺觀注補

福宗號散庵安福歐陽氏子出家白楊工詩畫創一粟園爲精脩所知縣龐驥嘗造訪序其詩康熙壬寅振錫京師安福伍環贈以序輯禪宗總究二十八卷白楊語錄二卷 新輯